


docri 文川閣
入駐商家 古籍书城
在文川閣搜索古籍书城 获取更多电子书

中國方志叢書·華中地方·第五一二號

據 宋·周 濬 撰
清乾隆二十年吳翊鳳手鈔本 影印

浙江省

乾道臨安志



成文出版社有限公司印行

docri 105



10101727

11

1A

中華民國七十二年三月臺一版

乾道臨安志

全一冊

發行人：黃

成

助

出版者：

成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：

上林彩色印刷有限公司

台北市大理街145號

新聞局出版登記證：局版台業字第二四三號



臨安志卷第一



行在所

宮闕 門附

大內在鳳皇山之東以臨安府舊治子城增築南曰

夏正門門外建東西關北曰和寧門

門外建東西關東曰東華門建炎中

車駕南巡

駐蹕於此紹興七年二月降

詔迎幸建康府紹興八年三月

移蹕臨安府下詔曰昔在光武之興

雖定都於洛而車駕往反見於前史

docsriver 文川网
入驻商家 古籍书城

在文川网搜索古籍书城 获取更多电子书

者非一用能奮揚英威進行天討上
繼隆漢朕甚慕之朕荷

祖宗之休克紹大統夙夜危懼不常
厥居比者巡幸建康極綏淮甸既已
申國邊圉獎率六軍是故復還臨安
內修政事繕治甲兵以定基業非畧
霜露之苦而圖宮室之安也故茲

詔諭想宜知悉

德壽宮在望仙橋之東

宮門外有百官待漏院

紹興三十二年

六月四日奉

聖旨以德壽宮為名是月十一日

光堯壽聖太上皇帝降
詔退處是宮其日
今上皇帝登
寶位

皇子府

慶王府
恭王府

右在

德壽宮北

宗廟

太廟在瑞石山之左

景靈宮在新莊橋之西崇禎館道院

安穆

安恭皇后橫宮在錢湖門外三里修吉寺
莊文太子橫所在錢湖門外二里寶林院

郊社

園壇在嘉會門外以南四里三歲一郊

天

熙成殿在壇側

太社太稷壇在觀橋東北每歲春秋祀

社稷

九宮壇在東青門外一里歲祀

九宮貴神

籍田先農壇在嘉會門外以南四里玉津園之南紹

興十五年十一月十七日

詔以來歲之春祇祓青壇親載奠耜

躬三推之禮以風示于四方明年孟

春二十有二日

太上躬耕籍田禮成自後歲祀

先農于此

高禘壇在嘉會門外以南四里龍華寺歲祀

高禘

三省

尚書省 六部

中書省 後省

門下省

樞密院 承旨

已上在和寧門外之北

臺閣

龍圖天章寶天顯謨徽猷敷文閣在和寧門裏

御史臺在清河坊之西

祕書省在天井巷之東

光堯太上皇帝御書

右文殿曰右文之殿門曰右文殿門

寶錄院

日麻所

右附于秘書省

學校

太學紹興十二年四月二十一日奉

聖旨太學養士權于臨安府府學措置
置增展其格法令禮部討論繼而於
前洋街建立十四年三月己巳

光堯太上皇帝祇謁

先聖止輦于大成殿門外降登步趨

執爵奠拜注視貌像翼翼欽慕復

幸太學御敷化堂頒

手詔示樂育詳延之誠意命國子司

業高闕講周易泰卦

賜羣臣諸生坐垂聽講說首肯者再
三復近玉趾俯臨養正持志二齋顧
瞻生徒肄業之所徘徊久之始命駕
言還乾道五年奉
聖旨令兩浙轉運司臨安府重修

殿宇

光堯太上皇帝御書

至聖文宣王廟曰大成之殿門曰大

成殿門

光堯太上皇帝御書

御書閣牌曰首善之閣藏

光堯太上皇帝御書石經

敦化堂米友仁被

齋舍

服膺

視身

守約

習是

養正

存心

節性

持志

率履

誠意

經德

允蹈

循理

時中

惇信

果行

務本

貫道

觀化

立禮

武學在前洋街紹興十六年四月初二日奉

聖旨令兵部討論武士弓馬及試選

去留格法申尚書省二十六年奉

聖旨令禮兵部檢會
祖宗以來武學養士典故施行乾道
五年奉
聖旨令兩浙轉運司臨安府重修

殿宇

昭烈武成王殿

敷閱堂

齋舍

受成

貴謀

輔文

中吉

經遠

閱禮

諸王宮大小學在睦親宮之右

貢院在觀橋之西
別試所在貢院之側

經筵

講筵所

講筵閣

已上並在禁中

宮觀

太一宮在新莊橋之南

崇真館道院在宮之南

萬壽觀在新莊橋之西

晨華館道院在觀之東

四聖延祥觀在孤山紹興十六年建二十年賜金額

道院在北

三茅寧壽觀在城中七寶山紹興十六年賜金額
顯應觀紹興十九年於龍山西建立二十四年徙于

涌金門外靈芝寺之右

旌忠觀紹興元年宣撫處置使張浚劄子據吳玠陳

請陝西出兵自來祈禱三聖屢獲顯

應乞于鳳翔府和尚原立廟賜旌忠

應額封忠烈靈應王忠顯昭應王忠

惠順應王三年張浚楊存中郭仲荀

用已俸于臨安府踏道橋東立廟紹

興十九年改賜觀額三十二年徙于

覺苑寺故基

廟宇

祚德廟在車橋西紹興二十二年二月二十一日奉

聖旨令兩浙轉運司益造

苑囿

玉津園在龍山之北

聚景園在清波門外

院

諫院在三省後

學士院在和寧門裏

登聞檢院在嚴正門外

登聞鼓院在嚴正門外

官告院在尚書吏部中門

都進奏院在朝天門外

諸司糧料院在壽域坊之北

諸軍糧料院在壽域坊之北

文思院上下界在北橋之東

車輅院在嘉會門外

麒麟院在紫坊嶺下

六房院在三橋之西

五房院在紅橋之西

所

玉牒所在朝天門之南

docsriver 文川网
入驻商家 古籍书城

在文川网搜索古籍书城 获取更多电子书

敕令所舊在天井巷今徙于朝天門之南
軍器所在祥符寺之東

三街

殿前司在八盤嶺南

侍衛馬軍司在天慶坊

侍衛步軍司在鐵冶嶺

寺監

太常寺在天井巷舊勅令所

宗正寺附于大

大理寺在仁和縣西

司農寺在市南坊之北

太府寺在通江橋之東

國子監事具學校

將作監在修文坊

軍器監在修文坊

司

大宗正司在睦親坊

軍頭引見司在文思院後

左右金吾街仗司在吳山

諸司審計司在淨因坊之北

諸軍審計司在淨因坊之北

牛羊司在權貨務後

排岸司在武學相對

內諸司

閤門

容省四方館

右在 和寧門外

入內內侍省

禁衛所

皇城司

御藥院

內東門司

御前馬院

修內司

翰林院

天文局 鐘鼓院 醫官 馬

通進司

御厨

翰林司

儀鸞司

合同憑由司

後苑

內藏庫

內軍器庫

御酒庫

右並在禁中

倉

省倉上界在天水院橋之北
省倉中界在仁和縣橋之東
省倉下界在餘杭門外九里
豐儲倉在東青門外三里

場

權貸務都茶場在通江橋之東
雜買務雜賣場在通江橋之西

草料場在天水院橋之北
糯米糶場在德勝橋之北

庫

左藏庫在清湖橋之西

御酒麴料庫在後市街

祇候法物庫在糯米倉巷

度牒庫在油車巷

膳軍南酒庫在朝天外

有和樓

膳軍東酒庫在柴垛橋之東

有大和樓

膳軍北酒庫在鹽橋之東

膳軍西酒庫在三橋之西

有豐樂樓

贍軍中酒庫在灞頭市之北
贍軍南外酒庫在候潮門外
贍軍北外酒庫在江漲橋鎮

局

太醫局在葛公橋之南

和劑局在臨安府治後

太平惠民南局在太廟之南

太平惠民北局在灞頭市

太平惠民西局在衆安橋

太平惠民東局在浙江

太史局在吳山

編估打套局在太府寺後

府第

左右僕射府在壽域坊南

樞密知院府在天慶坊

執政府在天慶坊南

嗣濮王府在軍將橋之東

吳王府在後洋街

益王府在中沙巷

睦親宅在清湖橋之東

臺諫宅在太常寺西

百官宅在石灰橋

館驛

都亭驛在候潮門裏

國信所附之

懷遠驛舊在法慧寺今廢

班荆館在赤岸港

軍營

禁衛諸班直營

一在天慶坊一在保民坊一在崇新門裏一在艮山門裏

皇城司親從親事等指揮營在豐樂橋東

捧日天武龍神衛等指揮寨并殿前司馬步軍三司

諸軍寨並環列于府城內外東至外

沙西至西溪安樂山南至龍山北抵

江漲橋鎮

御輦院供御次供御下都輦官營在崇新門裏

儀鸞司營一在保安門裏
一在麗正門外

翰林司營在鹽橋南

御厨營一在天慶坊
一在報恩坊

修內司壯役等指揮在萬松嶺下

軍器所萬全東西作坊等指揮營在大理寺西

軍頭司等子營在文思院後

駙驥院教駮營在紫坊嶺下

臨安志卷第一

臨安志卷第二

歷代沿革

大都督臨安府餘杭郡寧海軍節度治錢塘仁禹貢

揚州之域春秋時屬吳吳滅入越越滅入楚秦并天

下屬會稽郡太平寰宇記夏禹東去捨舟航陸於

止於餘杭山史記始皇三十七年秋十一月過丹陽至

錢塘臨浙因江西一百二十里從狹中一頃夷曰始皇

過餘杭漢因之又海鹽縣志有餘杭有鹽官沈約宋

立為縣至東漢順帝之後隸吳郡東漢餘杭富春

書云鹽官三國時屬吳吳大帝分餘杭置臨水縣吳

漢舊縣也有於潛郡

地於陽郡賀齊表奏分餘黃武五年即富春縣置東安郡吳志

抗為臨水縣三郡以全臨地置東又分富春置新城縣既而廢二寶

安郡以全臨地置東又分富春置新城縣既而廢二寶

判於潛屬晉太原元年改臨水縣為臨安縣時鹽官

錢唐富陽晉武帝避簡文鄭隸吳郡臨安餘杭於潛

隸吳興郡地事見晉志咸和中復置新城縣宋齊梁因之

陳置錢唐郡隋皇九年平陳廢郡割吳興吳郡之地

置杭州初治餘杭未幾移治錢唐省併新城臨安縣

仁壽二年割武康縣屬杭州因置總管府大業初改

為餘杭郡統縣六隋地志云錢唐富陽唐武德六

年六月復為杭州隸蘇州總管是年沒于輔公祐七

年平賊復置杭州因併鹽官入錢唐以武康隸湖州

陞於潛縣為潛州八年州廢以舊縣來屬貞觀元年

為天下分十道杭州隸江南東道四年分錢唐復置

docsriver 文川网
入驻商家 古籍书城

在文川网搜索古籍书城 获取更多电子书

鹽官凡領縣五錢唐富陽餘杭於潛鹽官隸潤州都督府永淳元
 年析富陽復新城縣垂拱二年析於潛置紫溪縣四
 年析餘杭復臨安縣萬歲通天元年改紫溪為武隆
 聖曆元年又改為武崇神龍元年改為唐山今昌化縣也
麻二年廢長景雲二年屬江南道按察使開元二十
後復置一年分隸江南東道採訪使天寶元年改為餘杭郡
 統縣八唐志云錢唐富陽餘杭於潛鹽官新城臨安唐山至德二載置江東
 防禦使治餘杭郡乾元元年復以為杭州置浙江西
 道節度治昇州尋徙蘇州未幾兼餘杭軍使治杭州
 二年改置觀察使治蘇州上元二年詔杭州刺史領
 防禦使建中二年置鎮海軍節度於潤州元和之後

使名廢置不常龍紀元年復置杭州防禦使景福元
 年賜號武勝軍防禦二年陞為都團練觀察尋廢移
 鎮海軍節度使治杭州已上使名歲次並見唐方鎮
 鎮海軍節度使治杭州景福二年至五代史記云光化元年移
 光化元年相去凡五年不同是年始拜錢鏐為節度
 使俄而置都督府又陞為大都督府天祐四年以臨
 安縣衣錦城為安國衣錦軍朱梁開平元年改新城
 為新登以梁太祖天二年改臨安為安國事見五代
 年改唐山為金昌龍德三年析錢唐鹽官地置錢江
 縣今仁和與錢唐分治城下後唐同光初復金昌為
 昌化石晉改為橫山又以為吳昌五代之亂錢氏據
 有兩浙幾百年號吳越國